



Broj: 01-119/16
Vareš, 28.07. 2016. godine

Z A P I S N I K
s 37. sjednice Općinskog vijeća Vareš,
održane 30.05. 2016. godine

Zdravko Marošević – predsjedavajući Općinskog vijeća Vareš, otvorio je 37. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Demo Kevrić, Tarik Kovač, Zdravko Marošević, Mario Mirčić, Safeta Muftić, Elvir Rožajac, Jasmin Salketić i Nikola Šimić.

Odsutni: Milan Knežević i Mato Pavić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika, direktori javnih preduzeća i javnih ustanova, predsjednici Skupština javnih preduzeća, predsjednik Upravnog odbora JU Dom zdravlja Vareš, komandir PVJ Vareš – gosp. Izudin Muftić i predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka i postavljenim vijećničkim pitanjima sa 36. sjednice OV održane 28.04. 2016. godine. Na 36. sjednici OV donesena su dva (2) zaključka koja su u toku realizacije. Postavljena su četiri (4) vijećnička pitanja. Stručna služba OV nije obaviještena o odgovorima na postavljena pitanja.

Općinski načelnik Kovačević Avdija u okviru aktuelne problematike na području općine Vareš za današnju sjednicu nije imao obraćanje.

(Vijećnička pitanja)

Elvir Rožajac

Podsjetio je na svoje pitanje u vezi navodne hipoteke na MSS „Nordbat“ od strane Općine Vareš.

1. U ime građana/stanara „potočke zgrade“ i „dvadesetobiteljske“ zgrade traži od nadležnih službi da se očisti trotoar koji je zatrpan. O postavljenom pitanju dao je pojašnjenje.
2. U ime mještana Bijelog Borja postavlja pitanje: zašto je promijenjeno prvobitno asfaltiranje od okuke za Pržiče – Tisovce do Bijelog Borja? O postavljenom pitanju dao je pojašnjenje.

Demo Kevrić

Traži odgovor na vijećničko pitanje postavljeno na 36. sjednici OV, da li je nadležna služba uputila vijećničko pitanje podružnici Elektrodistribucije Vareš?

Iznio je mišljenje da nije zadovoljan u vezi dostavljene Informacije o stanju NK Vareš, o čemu je dao i pojašnjenje.

3. Da li postoji mogućnost da se obezbijede odnosno pripreme prostorije za predizborne skupove koji slijede (Mjesne zajednice u kojima nema prostorija). O postavljenom pitanju dao je pojašnjenje.

Predsjedavajući OV stavio je na raspravu Zapisnik sa 36. sjednice OV.

Nije bilo učesnika u raspravi i predsjedavajući OV stavio je na izjašnjavanje Zapisnik sa 36. sjednice OV.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“) usvojen Zapisnik sa 36. sjednice OV.**

Predsjedavajući OV stavio je na raspravu prijedlog dnevnog reda za 37. sjednicu OV koji je usaglašen na Kolegiju Općinskog vijeća.

Za riječ se javio Općinski načelnik i predložio dopunu dnevnog reda sa tačkom 2. „ Prijedlog Zaključka o davanju saglasnosti JU Centar za socijalni rad Vareš za otvaranje posebnog podračuna za namjenska sredstva“ i tačkom 3. „ Prijedlog Rješenja o izmjeni Rješenja o imenovanju Stručne komisije za procjenu prometne vrijednosti nekretnina.“ Ostale tačke bi se pomjerile za dva broja više. O predloženoj dopuni dao je pojašnjenje.

Otvorena je rasprava po prijedlogu za dopunu dnevnog reda. Nije bilo učesnika u raspravi. Nakon izjašnjavanja vijećnika predsjedavajući OV konstatuje da je **prijedlog dopune dnevnog reda jednoglasno prihvaćen (17 glasova „ZA“).**

Predsjedavajući OV stavio je na izjašnjavanje prijedlog dnevnog reda za 37. sjednicu OV sa prihvaćenom dopunom dnevnog reda.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“) usvojen s l i j e d e ć i**

D n e v n i r e d :

1. Prijedlog Odluke o visini naknade za rad članova Općinske izborne komisije.
Izjestilac: Općinski načelnik
2. Prijedlog Zaključka o davanju saglasnosti JU Centar za socijalni rad Vareš za otvaranje posebnog podračuna za namjenska sredstva.
Izjestilac: Općinski načelnik.
3. Prijedlog Rješenja o izmjeni Rješenja o imenovanju Stručne komisije za procjenu prometne vrijednosti nekretnina.
Izjestilac: Općinski načelnik.
4. Izvještaj o radu i poslovanju JKP d.o.o. Vareš za 2015. godinu.
Izjestilac: Direktor i Skupština javnog preduzeća
5. Izvještaj o radu i poslovanju JP „Vareš-stan“ d.o.o. Vareš za 2015. godinu.
Izjestilac: Direktor i Skupština javnog preduzeća

6. Izvještaj o radu i poslovanju JP „Veterinarska stanica“ d.o.o. Vareš, za 2015. godinu.
Izjestilac: Direktor i Skupština javnog preduzeća
7. Izvještaj o radu JU Dom zdravlja Vareš za 2015. godinu.
Izjestilac: Direktor i Upravni odbor JU Dom zdravlja Vareš
8. Informacija o stanju opremljenosti PVJ Općine Vareš.
Izjestilac: Rusmir Berberović, pomoćnik Općinskog načelnika
9. Nacrt Programa razvoja zaštite i spašavanja ljudi i materijalnih dobara od prirodnih i drugih nesreća za područje Općine Vareš.
Izjestilac: Rusmir Berberović, pomoćnik Općinskog načelnika
10. Tekuća pitanja.

Ad. 1.

(Prijedlog Odluke o visini naknade za rad članova Općinske izborne komisije.)

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o visini naknade za rad članova Općinske izborne komisije.

Nakon izjašnjanja vijećnika predsjedavajući OV konstatuje **da je jednoglasno (17 glasova „ZA“) usvojena**

Odluka o visini naknade za rad članova Općinske izborne komisije.

Ad. 2.

(Prijedlog Zaključka o davanju saglasnosti JU Centar za socijalni rad Vareš za otvaranje posebnog podračuna za namjenska sredstva.)

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Zaključka o davanju saglasnosti JU Centar za socijalni rad Vareš za otvaranje posebnog podračuna za namjenska sredstva.

Nakon izjašnjanja vijećnika predsjedavajući OV konstatuje **da je jednoglasno (17 glasova „ZA“) usvojen**

Zaključak o davanju saglasnosti JU Centar za socijalni rad Vareš za otvaranje posebnog podračuna za namjenska sredstva.

Ad.3.

(Prijedlog Rješenja o izmjeni Rješenja o imenovanju Stručne komisije za procjenu prometne vrijednosti nekretnina.)

U raspravi je učestvovao vijećnik Elvir Rožajac. Nije više bilo učesnika u raspravi predsjedavajući OV stavio je na izjašnjanje Prijedlog Rješenja o izmjeni Rješenja o imenovanju Stručne komisije za procjenu prometne vrijednosti nekretnina.

Nakon izjašnjanja vijećnika predsjedavajući OV konstatuje da je **jednoglasno (17 glasova „ZA“) usvojeno**

Rješenje o izmjeni Rješenja o imenovanju Stručne komisije za procjenu prometne vrijednosti nekretnina.

Ad.4.

(Izveštaj o radu i poslovanju JKP d.o.o. Vareš za 2015. godinu)

Otvorena je rasprava u kojoj su svoje primjedbe, mišljenja, stavove i pitanja iznijeli vijećnici: Safeta Muftić (iznijela stav i mišljenje Kluba SBB-a u vezi planiranih i utrošenih sredstava za doprinose, troškova za reprezentaciju i putnih troškova i izjavila da će Klub podržati Izveštaj), Ismet Abdulahović (izjavio je da Klub BPS-a neće podržati Izveštaj iz razloga što smatraju da je Vijeće donijelo nezakonitu odluku o poskupljenju vode i da JKP nije dobilo suglasnost-odluku od Vijeća za proširenje radova vodovodne mreže za Visoko), Elvir Rožajac (iznio stav Naše stranke da će podržati Izveštaj i iznio primjedbu koja se odnosi na neuplaćivanje penzionog i zdravstvenog osiguranja radnicima JKP-a), Zdenko Franjić (iznio stav Kluba SDP-a da će podržati Izveštaj o radu JKP Vareš i pitanja vezana za mogućnost organizovanja posebne jedinice u JKP Vareš koja bi obavljala farbarsko- molarajske radove za građane Vareša i visinu duga Općine Vareš prema JKP d.o.o. Vareš), Jasmin Salketić (iznio je stav Kluba SDA da će podržati Izveštaj o radu JKP Vareš) i Demo Kevrić (iznio primjedbe na rad JKP-a vezano za izradu niša za kontejnere u MZ Striježevo, radove na proširenju vodovodne mreže za Visoko, traži odgovor o visini duga Općine Vareš prema JKP d.o.o. Vareš).

Za riječ se javio gosp. Zafer Kamenjaš, direktor JKP d.o.o. Vareš i u svom obraćanju dao je dodatna pojašnjenja u vezi diskusija vijećnika iznesenih u raspravi, poslovanju preduzeća i odgovorio na neka postavljena pitanja vijećnika.

U daljnjoj raspravi su učestvovali vijećnici: Safeta Muftić, Mahira Brkić, Zdravko Marošević, Boško Andrić, Ismet Abdulahović (replika direktoru JKP-a Kamenjaš Zaferu) i Demo Kevrić.

Predsjednik Skupštine JKP-a Vareš gosp. Grga Vukančić je u svom obraćanju dao dodatna pojašnjenja vezana za Izveštaj o radu JKP d.o.o. Vareš.

Predsjedavajući OV zaključio je raspravu i stavio na izjašnjavanje Izveštaj o radu i poslovanju JKP d.o.o. Vareš za 2015.godinu.

Nakon izjašnjavanja vijećnika predsjedavajući OV konstatuje da je **sa 15 glasova „ZA“ i 2 „SUZDRŽANA“ glasa prihvaćen**

Izveštaj o radu i poslovanju JKP d.o.o. Vareš za 2015. godinu

Ad.5

(Izveštaj o radu i poslovanju JP „Vareš-stan“ d.o.o. Vareš za 2015. godinu)

Otvorena je rasprava u kojoj su svoje prijedloge, primjedbe, sugestije, mišljenja i pitanja iznijeli vijećnici: Elvir Rožajac, Mario Mirčić (predložio je da JP Vareš- stan d.o.o. Vareš zajedno sa predstavnicima kućnih savjeta gdje su postojale kotlovnice uradi elaborat koštanja pokretanja tih kotlovnica i uporedi sa trenutnom cijenom grijanja, kao i da zajedno sa Službom za civilnu zaštitu pokušaju uraditi elaborat o postojećem stanju (dimnjaka) i izrade idejno rješenje mjera da se otklone problemi) i predsjedavajući OV Zdravko Marošević (ukazao je na aktuelnu problematiku preduzeća). Vijećnik Elvir Rožajac javio se za repliku.

Predsjedavajući OV zaključio je raspravu i stavio na izjašnjavanje Izveštaj o radu i poslovanju JP „Vareš-stan“ d.o.o. Vareš za 2015. godinu.

Nakon izjašnjavanja vijećnika predsjedavajući OV konstatuje da je **jednoglasno (15 glasova „ZA“) prihvaćen**

Izveštaj o radu i poslovanju JP „Vareš-stan“ d.o.o. Vareš za 2015. godinu.

Ad.6

(Izvještaj o radu i poslovanju JP „Veterinarska stanica“ d.o.o. Vareš za 2015. godinu)

Otvorena je rasprava u kojoj su svoje sugestije, prijedloge i mišljenja iznijeli vijećnici: Elvir Rožajac, Demo Kevrić, Jasmin Salketić i predsjedavajući Zdravko Marošević.

Predsjedavajući OV zaključio je raspravu i stavio na izjašnjanje Izvještaj o radu i poslovanju JP „Veterinarska stanica“ d.o.o. Vareš za 2015. godinu.

Nakon izjašnjanja vijećnika predsjedavajući OV konstatuje da je **jednoglasno (16 glasova „ZA“)** prihvaćen

Izvještaj o radu i poslovanju JP „Veterinarska stanica“ d.o.o. Vareš za 2015. godinu.

Ad.7

(Izvještaj o radu JU Dom zdravlja Vareš za 2015.godinu)

Dr. Fikret Operta u svom kratkom obraćanju upoznao je prisutne o radu i aktuелnoj problematici u JU Dom zdravlja Vareš, te o provedenim i planiranim aktivnostima JU Dom zdravlja Vareš.

Predstavnik JU Dom zdravlja Vareš gosp. Adis Čizmo dao je dodatno pojašnjenje za ovu tačku dnevnog reda.

Predsjedavajući OV otvorio je raspravu po ovoj tački dnevnog reda gdje su svoje primjedbe, mišljenja, stavove i pitanja iznijeli vijećnici: Mahira Brkić, Elvir Rožajac, Tajiba Brkić, Kenan Kamenjaš, Demo Kevrić, Tarik Kovač, Mario Mirčić, Boško Andrić, Elvir Rožajac (replika), Zdravko Marošević, Boško Andrić (replika) i Elvir Rožajac (replika).

Za riječ se javio gosp. Adis Čizmo koji je u svom obraćanju odgovorio pitanje vijećnika Maria Mirčić u vezi sanacije ambulante u MZ Pržići i vijećnika Boška Andrić u vezi naručivanja pacijenata.

U daljnjoj raspravi su učestvovali: vijećnik Mario Mirčić i predsjedavajući OV Zdravko Marošević koji je predložio da menadžment JU Dom zdravlja Vareš uradi analizu stanja svih terenskih ambulanti na području općine Vareš o čemu je dao pojašnjenje.

Za riječ se javio dr. Fikret Operta koji je u svom obraćanju upoznao prisutne o problematici sa kojom se susreće JU Dom zdravlja Vareš, dao je pojašnjenje za neke diskusije vijećnika iznesene u raspravi.

Predsjedavajući OV Zdravko Marošević kao predsjednik MZ Vijaka uputio pitanje dr. Fikretu Operti u vezi ambulante u MZ Vijaka u kojem traži da nadležni iz Doma zdravlja očituju se šta je potrebno osigurati u ambulanti (promjena sanitarije i sl.) kako bi ista bila u funkciji za nesmetan rad, a potrebe bi osigurala mjesna zajednica.

Za riječ se javio općinski načelnik Avdija Kovačević koji je u svom obraćanju dao kratko pojašnjenje vezano za Izvještaje koji su se našli na dnevnom redu današnje sjednice. Također je zatražio od menadžmenta JU Dom zdravlja Vareš da u narednom periodu Vijeću dostave Informaciju o stanju svih terenskih ambulanti na području Općine Vareš.

Predsjedavajući OV je zaključio raspravu i stavio na izjašnjanje Izvještaj o radu JU Dom zdravlja Vareš za 2015.godinu.

Nakon izjašnjanja vijećnika predsjedavajući OV konstatuje da je **jednoglasno (17 glasova „ZA“)** prihvaćen

Izvještaj o radu JU Dom zdravlja Vareš za 2015.godinu

Predsjedavajući OV dao je pauzu u trajanju od 20 minuta.

Nastavljeno je sa radom današnje sjednice.

Ad.8

(Informacija o stanju opremljenosti PVJ Općine Vareš)

Otvorena je rasprava u kojoj su svoje primjedbe, mišljenja, stavove i pitanja iznijeli vijećnici: Tarik Kovač, Đemo Kevrić, Mario Mirčić, Elvir Rožajac, Ismet Abdulahović i predsjedavajući OV Zdravko Marošević.

Rukovodilac PVJ Općine Vareš gosp. Izudin Muftić dao je pojašnjenje za ovu tačku dnevnog reda i odgovorio na neka pitanja vijećnika postavljena u raspravi. U svom obraćanju upoznao je prisutne sa stanjem u PVJ i problemima sa kojima se susreću u svom radu.

Predsjedavajući OV konstatuje **uz Zaključak da je Vijeće primilo k znaju**

Informaciju o stanju opremljenosti PVJ Općine Vareš

Ad.9

(Nacrt Programa razvoja zaštite i spašavanja ljudi i materijalnih dobara od prirodnih i drugih nesreća za područje Općine Vareš)

Nije bilo rasprave po ovoj tački dnevnog reda i predsjedavajući OV stavio je na izjašnjavanje prijedlog

Zaključka

- **Utvrđuje se Nacrt Programa razvoja zaštite i spašavanja ljudi i materijalnih dobara od prirodnih i drugih nesreća za područje Općine Vareš i upućuje se na Javnu raspravu u periodu od 45 dana.**
- **Zadužuje se Služba civilne zaštite kao nosilac aktivnosti da pripremi javnu raspravu u skladu sa aktima Vijeća.**
- **Prijedloge i sugestije u toku Javne rasprave, predlagač će uzeti u razmatranje kod izrade prijedloga akta.**
- **Po završenoj Javnoj raspravi, predlagač će sačiniti Prijedlog Programa i Izvještaj o provedenoj raspravi dostaviti Vijeću na razmatranje.**
- **Zaključak stupa na snagu danom donošenja**

Nakon izjašnjavanja vijećnika predsjedavajući OV konstatuje da je **jednoglasno (15 glasova „ZA“) usvojen predloženi Zaključak.**

Ad.10

(Tekuća pitanja)

1. Predsjedavajući OV je upoznao prisutne sa Obavijesti Udruženja građana Nogometnog kluba „Vareš“ Vareš broj: 01-05/16 od 16.05.2015. godine u vezi teške situacije Kluba.

Također, predsjedavajući OV je u vezi iste obavijesti upoznao prisutne sa dostavljenom Informacijom, od strane Općinskog načelnika o stanju u nogometnom klubu.

Za riječ se javio Općinski načelnik koji je u svom obraćanju predložio sljedeći

Zaključak

- Daje se saglasnost Općinskom načelniku da pozove predstavnike Nogometnog kluba Vareš, radi održavanja zajedničkog sastanka po pitanju aktuelne problematike u Nogometnom klubu.

Predsjedavajući OV stavio je na izjašnjavanje prijedlog Zaključka, te nakon izjašnjavanja konstatuje da je **jednoglasno (15 glasova „ZA“)** usvojen predloženi **Zaključak**.

Predsjedavajući OV u svoje lično ime i u ime Vijeća, svim građanima islamske vjeroispovijesti čestitao je nadolazeći mjesec Ramazana.

Sastavni dio ovog Zapisnika je audio zapis sjednice.
Sjednica je završena u 19,40 sati.

SEKRETAR

Leon Pavlović

***PREDSDAVAJUĆI
OPĆINSKOG VIJEĆA***

ZAPISNIČAR

Azra Ibrahimović

Zdravko Marošević